



Uunga: Inatsisartunut ilaasortaq Knud Fleischer, Kattusseqatigiit

**Naalakkersuisunut apeqquteqaat:**

1. Innuttaasut ajorsaateqartut kommunip iluani illoqarfimmi allamiinnerminni sooq ikiorsiissutinik pisartaqarsinnaanngillat?
2. Ajornartorsiut qaangerniarlugu Naalakkersuisut qanoq iliuluteqassamaapat?

01. feb 2012  
Sagsnr. 2012-060857  
Dok. Nr. 816921

Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail: isiin@nanoq.gl  
www.nanoq.gl

**Akissuteqaat:**

Aallarniutugalugu apeqquteqaatinnut qujarusuppunga. Inunnut ajorsaateqartunut sutigit ikiorsiisarni suut atuunnersut pillugit ilisimatinneqarnissannut periarfissipparma. Aallaqqaasiulluguli oqaatigerusuppara ikiorsiissutinik pissarsinissamut inuit allattorsimaffiannut nalunaarsorsimanissaq tunngaviummat.

Inuit allattorsimaffiannut nalunaarsorsimagaanni sullinneqarnernik assigiinngitsunik pissarsisoqarsinnaavoq, soorlu isumaginninnermi ingerlatsivimmit, suliffissarsiuussisarfimmit imaluunniit sammisaqartut allat ikiuussinnaallutik arlaanni ikiorneqarnissamik taper-sorneqarnissamillu pisariaqalersitsisoqarnerani, minnerunngitsumik tassangaannartumik pisoqartillugu.

Inuk ikiorneqarnissamik qinnuteqartoq kommuneqarfimmit itigartinneqartillugu kommuni allatut ikiorsiissuteqarnissamut periarfissanik assigiinngitsunik periarfissiissalluni pissaatitaavoq, taamaalilluni pineqartoq ikiorserneqarsinnaanerminut susassaqtartunut saaffiginnissinnaalluni.

Pisinnaatitaaffiit arlallit ilagaat, itigartitsinermet tunngavilersuutit sunik tunngaveqarner-sut pillugit ilisimatinneqarnissamut pisinnaatitaaffeqarneq – kiisalu ingerlaqqinnissamut ilitsersorneqarnissaq.

Kinaluunniit kommuneqarfimmi najugaqarfigigallakkamini pisortanit tassangaannartu-mik ikiorneqarnissamik pisariaqartitsisoq qinnuteqarnissaminut pisortat ikiorsiisarnerat pillugu inatsisartut peqqussutaat § 3 malillugu kommunip allaffianut saaffiginnissinnaati-taavoq. Aningaasat tunniunneqartut amerlassusiat ataasiartumik amerlassuseqartarput, inuullu pineqartup tassangaannartumik pisariaqartitaanik matussusiisuusaallutik, soorlu nerisassanut atisanullu. Tassangaannartumik ikiorserneqarnissamik qinnuteqaat inuup kommunimi najugaqarfigisaanut tunniunneqassaaq, tak. pisortat ikiorsiisarnerat

pillugu Inatsisartut peqqussutaanni § 6, imm. 2, tassani apeqqutaatinneqassanani inuk kommunimi najugaqartutut nalunaarsorsimangikkaluarpalluunniit.

Qinnuteqartoq pilersuinissamut aningaasartuutinullu aalajangersimasunut pisortanit ikiorserneqarnissamik qinnuteqarusuttoq kommuneqarfimmut najugaqarfigisaminut saaffiginnittariaqarpoq, tak. § 6. Qinnuteqartoq kommuneqarfimmi allamiikkuni, qinnuteqartup periarfissaraa kommunimut allamut innuttaasutut najugaqarnini allangortittariaqar-paa imaluunniit kommuneqarfimmut najugaqarfigisaminut saaffiginnittariaqarluni.

Taaneqareersutut tassangaannartumik ikiorserneqarnissaminik pisariaqartitsisoq pisortanit ikiorserneqarnissaminut qaqugukkulluunniit qinnuteqarnissaminut periarfissaqarpoq, inuuniarnissaminut aningaasanik tunineqarsinnaajuassalluni, innuttaasutut nalunaarsuiffigineqarfimmi nuunnissaata tungaanut – imaluunniit qinnuteqartoq kommuneqarfimminut najugaqarfigisaminut saaffiginninnissaata tungaanut.

Kommuneqarfik sunaluunniit ikiorsiissutinik pissarsinissaminnik qinnuteqarlutik saaffiginnittunut siunnersuinissaminut pisussaataaavoq. Kommuneqarfik najugaqarfigineqarallartoq kommuneqarfimmut najugaqarfiusumut saaffiginninninnaaavoq, tak. pisortat ikiorsiisarnerat pillugu inatsisartut peqqussutaat § 10. Taamaaliornikkut kommuneqarfik najugaqarfigineqartoq timmisartumut bilitsimik akiliinissaminut periarfissaqarpoq, tak. pisortat ikiorsiisarnerat pillugu inatsisartut peqqussutaat § 20, imm. 1-imi allassimasut.

Inuup apeqquteqartup innersuussutigisaa kommunimit akuusumit pineqarsimanani iluarinngikkuniuk, inuk taanna pineqartoq Isumaginninnermi Maalaaruteqartarfimmut maalaaruteqarnissaminut periarfissaqarpoq, takuuk:

<http://dk.nanog.gl/Emner/Landsstyre/Departementer/Departement for erhverv/Styrelsen%20for%20Raad%20og%20Naevn/Det%20Sociale%20Ankenævn/Klageskema.aspx>

Suliap ingerlasimanerata nassuiaatigineqarnera qulaani taaneqartutut nassuiaatigineqartut aallaavigalugit, inuit ajorsaattillit ikiorserneqarnissaannik malittarisassanik allangortitsinissamut Naalakkersuisut tunngavissaqartitsinngillat.

Inussiarnersumik inuulluaqqusillunga  
Med venlig hilsen



Ove Karl Berthelsen